

Quadèrn d'Estudi Num. 1

*Era formacion
deth femenin*

**Elaborat peth Departament de Lingüistica
deth Conselh Generau d'Aran**



Conselh  Generau d'Aran

I.S.B.N:
84-89940-62-2

D.P.:

Dessenh e maquetacion:
Alèxia Grustan

Quadèrn d'estudi num. 1
Elaborat peth Departament de Lingüistica deth Conselh Generau d'Aran

QUADÈRN D'ESTUDI NUM. 1

ELABORAT PETH DEPARTAMENT DE LINGÜÍSTICA DETH CONSELH GENERAU D'ARAN

Abans díder

Aquest ven a èster eth prumèr d'ua seria de quadèrns que, elaborats peth Departament de Lingüística deth Conselh Generau d'Aran, auràn coma finalitat era de hicar a man de toti es usatgèrs dera lengua occitana (aranés), uns apunts esquemàtics, mès plan bracs, que se poiràn campar e huelhejar en quin moment de besonh que sigue, autrestant a nivèu morfologic, sintactic, lexicografic coma fraseologic.

Credem, donc, qu'aguesti quadernets, mos ajudaràn tanplan entà aprigondir en coneishement dera lengua e pr'amor d'açò, a èster ua airina de consulta entàs professionaus der ensenhamant, personau dera Administracion, e tath public en generau.

Ei plan per açò qu'aguesta publicacion non s'atèrmie pas sonque entà aranesoparlants, senon que, pera simplicitat des sòns contenguts, la viren en ua possibla airina entad aqueri qu'an un interès peth coneishement e aprigondiment dera nòsta lengua.

S'aguesta tòca ei artenhuda, mos veiram ahiscats a contunhar en aguest prètzhet qu'aué entamenam tamb aguest exemplar.

Frederic Vergés Bartau
President deth Departament de Lingüística

ENSENHADOR

<u>Introduccion.</u>	<u>7</u>
----------------------	----------

<u>Formacion deth femenin des substantius.</u>	<u>9</u>
--	----------

<u>1. Es mots acabadi en consonanta.</u>	<u>10</u>
<u>2. Mots acabadi en vocau.</u>	<u>12</u>

<u>Formacion deth femenin enes adjectius.</u>	<u>14</u>
---	-----------

<u>1. Es mots acabadi en consonanta.</u>	<u>14</u>
<u>2. Adjectius acabadi en vocau.</u>	<u>17</u>
<u>3. Adjectius acabadi en diftong.</u>	<u>18</u>

<u>Bibliografia.</u>	<u>21</u>
----------------------	-----------

Introducción

Er occitan, coma es autes lengües romaniques, sonque a sauvat que dus genres: eth masculin e eth femenin. A abandonat eth nèutre.

Es substantius nèutres dera 2au. e 3au. declinason latina non an conservat eth sòn genre, an devengut masculins o femenins. En singular, es nèutres dera 2au. declinason s'an assimilat as masculins. Fòrça viatges, coma eth plurau nèutre ère acabat en -a, un certan nombre d'entre eri s'an considerat coma nòms femenins:

FOLIA> (plurau de FOLIUM) *huelha*

LIGNA> (plurau de LIGNUM) *lenha*

FESTA> (plurau de FESTUM) *hèsta*

Coma assenhale Hourcade ena sua *Grammaire béarnaise*, non existís ua règla generau tara formacion deth genre. Ei er usatge e era tradicion çò qu'a hèt qu'es nòms se tròben laguens d'un o un aute genre.

De faïçon generau, cau díder qu'es formes femenines an tot soent un sens collectiu o aumentatiu: *era fruta*, *era huelha* (ensem), *eth uart/ era òrta* (uart petit/ òrta: gran uart), *caçòla*, *ròca*... Es nòms en -a son entenudi coma femenins, en tot qu'es nòms en -e, -i e de finau consonantic son entenudi coma masculins. Cau remerciar totun, que non pas toti es nòms acabadi en -a son deth genre femenin. Atau, *un dia*, *un problème*, *un pianista*, *un poèta*, *un diplòma*, son paraules de genre masculin.

Formacion deth femenin des substantius

Mos cau diferenciar era classa des animats e era classa des non-animats.

Laguens des animats, fòrça nòms an ua forma entath masculin e ua forma entath femenin. (An un radicau entà cada genre):

Exemples: *eth mainatge/ era mainada*

eth pair/ era mair

eth taure /era vaca

eth gendre/era ireua

er òmel/ era hemna

eth boc /era craba

eth mardan/era oelha

Aquest tipe de genre que se base ena diferenciacion sexuau des èstes animats e qu'an ua forma entath genre masculin e ua auta entath genre femenin, l'aperam genre naturau.

Quauqui substantius an era madeisha forma entath masculin qu'entath femenin e les diferenciam sonque en pospausar er adjectiu mascle o femelha entàs animaus: *ua sèrp mascle, ua sèrp femelha, un rossinhòu mascle, un rossinhòu femelha,* o en antepausar er article: *eth guarda, era guarda, un/ua artista, un/ua omicida...enes nòms de persona.*

I a substantius que segontes vagen precedits d'un article o un aute an different significat: *era sang e eth sang* (aguest darrèr, generaument, se referís ath *gèni, caractèr d'ua persona*).

Ena classa des non-animats, eth genre des nòms ei impausat pera lengua e sonque pòt èster coneishut que per miei der usatge. Se'n ditz **genre gramaticau** e ei fixe e arbitrari:
ua padena
un topin
un armari
ua cama...

Genre variable:

Règla generau: higen un **-a** ath masculin.

1-Es mots acabadi en consonanta:

hilh/hilha
director/directora
obrèr/obrèra
parent/parenta
topin/topina/topia
pecador/pecadora
frut/fruta
arrat/arrata
gojat/gojata
lit/lita
senhor/senhora
codinèr/codinèra
molièr/molièra
ròc/ròca
presoèr/presoèra
culhèr/culhèra
garièr/garièra
perruquèr/perruquèra
carnassèr/carnassèra
carrèr/carrèra
sabatèr/sabatèra

Totun, trapam quauqui substantius en qué aguesta consonanta pòt patir:

a) Ua sonorizacion:

Es substantius acabadi en consonanta sorda simpla (ei a díder non precedides de ua auta consonanta) se sonorizen en femenin:

amic/amiga
lop/loba
nebot/neboda
prat/prada
sèrf/sèrva

Excepcions:

-Quauqui substantius acabadi en **-at**, **-et** e **-it**, que la mantien:

gojat/gojata

guinhauet/guinhaueta

lit/lita

guit/guita

gat/gata

-Es diminutius en **-et**, **-òt**:

gojatet/gojateta

gojatòt/gojatòta

-Es substantius d'origina sabenta acabadi en **-g**:

filològ/filològa

arqueològ/arqueològa

sociològ/sociològa

b) Trapam quauqui substantius que patissen ath delà ua transformacion d'aguesta consonanta. Atau:

can/canha

cosin/cosia

besson/bessoa

1.1 Eth digraf **-th** deth masculin, provenent d' || latina se vire en **-r-** en fermenin:

vedèth/vederà

audèth/auderà

anhèth/anhèra

anèth/anèra

1.2 Era **-n** finau velara què soent pr'amor de trapar-se en posicion intervocalica:

*vesin/vesia
cosin/cosia
lairom/lairoa
besson/bessoa*

1.3 Quauqui substantius pòden hèr eth femenin damb sufíxes differenti o especiaus entàs dus genres:
-tor, -dor/-dora, -tritz:

*director/directritz o directora
actor/actritz
emperador/-aire/emperatritz o emperadora
tutor/tutritz o tutora
pecador/pecairitz o pecadora
animador/animatritz o animadura
aviador/aviatritz o aviadora
testador/testatritz*

D'auti prenen era forma en **-essa**:

*duc/duquessa
abat/abadessa
paom/pauessa o pavessa*

2. Mots acabats en vocau

2.1 Es substantius masculins en **-e** viren aguest en **-a**:

*mèstre/mèstra
cardaire/cardaira
lauaire/lauaira
monge/monja
panaire/panaira*

N'i a bèth un en **-e** que hè eth femenin en **-ena**:
òrfel/orfena.

-Totun n'i a d'aguesti que viren er **-e** en **-essa**:
comde/comdessa
prince/princessa
mèstre/mestressa o mastressa (patron)
haure/haressa
sartel/sartessa
mètge/metgessa
e tanben
diu/diuessa o diressa

-E n'i a que demoren invariables:
membre
urbanisme

2.2 A viatges, es substantius acabadi en diftong en **-u**, provenent aguest dera vocalizacion d'ua **-l**, hèn a reaparéisher aguesta en femenin:

punhau/punhala
generau/generala
civiu/civila

Enes substantius en qué aguest **-u** non proven d'**-l**, captrèn **-u** per **-v** en femenin:
romiu/romiva
judiu/judiva

2.3 Es substantius acabadi en vocala **-a** que sauven era madeisha forma (mots de formacion sabenta):

dentista
comunista
fotbolista
anarquista
pianista

exceptat poèta que hè poetessa

Formacion deth femenin enes adjectius

Era màger part des adjectius de genre variable formen eth femenin en tot seguir es madeishes pautes qu'eth substantiu, ei a díder, higen un **-a** ath masculin. Ac hèn atau:

1- Es mots acabadi en consonanta:

prim/prima	absurd/absurda
fòrt/fòrta	african/africana
long/longa	brun/bruna
doç/doça	petit/petita
brusc/brusca	car/cara
darrèr/darrèra	decent/decenta
heired/heireda	deliciós/deliciosa
sec/seca	acompanhant/acompanhanta
gran/grana	intim/intima
fresc/fresca	òrb/òrba
dur/dura	hart/harta
envejós/envejosa	erós/erosa (urós/urosa)
limercós/limercosa	long/longa
arribent/arribenta	madur/madura
gandier/gandiera	leitassèr/leitassèra
arrident/arridenta	escolar/escolara
popular/populara	regular/regulara
redon/redona	joen/joena
rialhèr/rialhèra	clar/clara
particular/particulara	hart/harta
estelar/estelara	caud/cauda

1.1 Coma es substantius, es consonantes sordes simples (ei a díder non precedides de ua auta consonanta) se sonorizenz:

mut/muda	pauruc/pauruga
esberit/esberida	avertit/avertida

briac/briaga	grèc/grèga
pèc/pèga	estovat/estovada
amic/amiga	polit/polida
tohut/tohuda	capborrut/capborruda
pelut/peluda	arròc/arròga
florit/florida	pesuc/pesuga
holorit/holorida	gorjut/gorjuda
hlorit/hlorida	capvirat/capvirada
cortés/cortesa	abondós/abondosa

Mès, talament coma succedís també es substantius tanben existissen quauques excepcions com adret/adreta, net/neta...

a) Es derivats diminutius acabadi en **-et** e **-òt**:

*praubet/praubeta
polidòt/polidòta*

b) S'aguesta consonanta proven d'ua dobla consonanta etimologica se mantén:

*sec/seca (< siccus)
petit/petita (< pettitus)
espès/espessa (< espessus)*

c) Atau madeish aguesta consonanta ei precedida deth diftong **-au**:

*caud/cauda
naut/nauta
malaut/malauta*

d) Enes derivats acabadi en **-às** (sòrta de sufice de superlatiu damb matís pejoratiu) e **-ís** (sufice qu'exprimís estat, aptitud, qualitat) tanpòc se sonorize:

*pegàs/pegassa
praubàs/praubassa*

*innocentàs/innocentassa
papotàs/papotassa
lordàs/lordassa
doçàs/doçassa
adaiguadís/adaiguadissa
malautís/malautissa
lauradís/lauradissa
minjadís/minjadissa
desbrembadís/desbrembadissa*

1.2 Eth digraf **-th** deth masculin, provenent d' II latina se vire, coma succedís tamb es substantius en **-r-** en femenin, en trapar-se en plaça intervocalica:

*bèth/bèra
aqueth/aquera
nauèth/nauèra*

1.3 Era **-n** finau velara què soent pr'amor de trapar-se en plaça intervocalica:

*plen/plea/plia
lairom/lairoa (adjectiu e substantiu)
mèn/mia*

Excepcions: *bon/bona; e* es mots sabents: *occitan/occitana; soberan/sobeirana.*

1.4 Quauqui adjectius acabadi en **-l** la dobrén en femenin sense cambiar era prononciacion:

*nul/nulla
tranquil/tranquilla
mès
abil/abila
hòl/hòla*

1.5 Es adjetius qu'acaben en **-g** [tS] viren en **-j** [ʒ] tath femenin:

mòg/mòja
lèg/léja

1.6 Coma passe damb es substantius, tamben i a adjetius acabadi en **-itz**:

conductor/conductritz o conductora
motor/motritz (Ex. fòrça motritz) o motora.
generador, generator/generatritz

2. Adjectius acabadi en vocau.

2.1 Es adjetius acabadi en **-a** sauven era madeisha forma (mots de formacion sabenta):

pessimista
optimista
comunista
anarquista
autista
socialista

2.2 Es adjetius acabadi en **-e** tresmuden aguest per un **-a**:

terrible/terribla
possible/possibla
aimable/aimabla
brave;brava
praube/prauba
nòble/nòbla
alègre/alègra
rude/ruda
campèstre/campèstra
rasonable/rasonabla

2.3 S'acaben en -i higen -a.

pròpri/pròpria

primari/primària

contrari/contrària

extraordinari/extraordinària

volentari/volentària

propici/propícia

necessari/necessària

aunorari/aunorària

ordinari/ordinària

(Remercatz qu'en passar tath femenin se convertissen en paraules paroxitones qu'acaben en diftong e pr'amor d'açò pòrten accent grafic)

2.4 Es acabadi en -u higen tanben un -a:

blu/blua

3. Adjectius acabadi en diftong

Es adjetius acabadi en diftong higen generalment un -a ath femenin:

beròi/beròia

ròi/ròia

longuiròi/longuiròia

3.1 En cas des adjetius acabadi en -au, -iu, -ou quan er -u proven d'un v o d'un b latins deven u/v en femenin:

nau/naua

tardiu/tardiva

judiu/judiva

ombriu/ombriva

doriu/doriva

esclau/esclava

suau/suava

S'er **-u** proven d'ua | finau vocalizada, era | reapareish en femenin:
auriòu/auriòla
longuiròu/longuiròla
mau/mala

Ara ben, en gascon, es adjectius acabadi en **-au** provenents d'adjectius latins dera 3au. declinason en **-alis**, demoren invariables:
serviciau
mortau
principau
normau
corau
noviau
annau
tau
quau
manuau
trionfau

Demoren tanben invariables, es adjectius e pronòms ordinaus en **-au**:

Eth tresau dia /era tresau setmana.

3.2 Es acabadi en **-èu** captrèn **-u** per **-a**:

cretacèu/cretacèa
contemporanèu/contemporanèa
idonèu/idonèa

Voleríem remercar qu'es advèrbis en **-ment** se formen a compdar der adjectiu femení: *terriblament, possiblament, amablament, bonament, malaisidament, correntament, organizadament, pausadament, valentament, vertadèrament, bèstiament*. Cau díder tanben que tot soent en Aran s'emplegue er acabament en **-ments**: *possiblaments...* (forma dejà tenguda ena edat mieja)

Bibliografia:

- Alibert, L.: *Gramatica occitana*, Centre d'Estudis Occitans. Montpelhièr, 1976. 2au. edición.
- Bazalgues, G.: *L'occitan lèu e plan*, IEO París, 1977.
- Coromines, J.: *El parlar de la Vall d'Aran. Gramàtica, Diccionari i Estudis Lexicals sobre el gascó*, Crurial Edicions Catalanes, Barcelona, 1991.
- Darrigrand, R.: *Initiation au gascon*, 4au. edición, Per Noste, 1974.
- Darrigrand, R., e Grosclaude, M.: *Grammaire abrégée du gascon*, Per Noste, 1976.
- Grosclaude, M.: *Lo gascon lèu e plan*, Omnivos, París, 1977.
- Hourcade, A.: *Grammaire Bearnais*, Los caminaires, 1986.
- Fabra, P.: *Introducció a la gramàtica catalana*, 5au.edición. Edicions 62, Barcelona, 1987.



Conselh  Generau d'Aran